

مجموعہ ابوالضیا

ماہوا شاہ سندن دلی طہیرہ چالش
پر توحکمت و عرفان ایلم توبرہ آالش

علوم و معارفدن بحث ایدرہ و ہر ماہ عربی انتشارلہ اون بشندہ شہر اول نورفتون غزتمہ سیدرہ

نومرو ۱۴ - جلد ۲ [فی خرمہ ربیع الآخر سنہ ۱۲۹۸] [نسخہ سی ۳ فروش

سنه مایسنه قدر هر نه عارضه ظهور ایسنه سببی آنلردن یللوب، بحضور
اولور .

بو کبی عادات موروثه محافظت لرینه بزده توصیه ایدوب، درز که
مادام که اک اوافق بر شیئی ویا اک بیوک بر عارضه بی شو عادت مألوفه بی
اجرا ویا خود وقتنده اجرا ایتمدیکرزه عطف ایله کندیگری سنه سنه قدر
بحضور ایده جککزه تلافیسی ناقابل اولان ووجود کزک دوام قوامی
بولنان قانجغز کزی شهر مایسکرده اراقه ایدیکر؛ لکن الله ایچون اولسون
چوقجه آفتمیکر !

تاریخ

تألیف یونانپارک - کندی تاریخ یازمقلقی ایچون رجا ایدن
بر جنرال - مکتوبیدر .

عدالت بشریه خدمات سابقه مه ایستدیکی بولده حکم ایسنسون !
اگر حقیقی بیلک و اوکر نمک مقصودی ایسه آراسون بولسون ! زیرا
خزانة قیود حقایق وقوعانله مالالدر . فرانسه ایستدیکی حالده شرف
و اقبال و عظمت و اجلائک یادکار قیمتدارینی اوراده بولور؛ واکر علو
منزلت و حمیت و غیرتک خواهشگری ایسه آنلری گوشه نیسانده قالمقدن
منعه قدرتیاب اولور .

بنم تاریخه امنیتم بر کالدر . وقتبله اطرافیمی برچوق مداهنلراحاطه
ایلدیکی کبی ایوم میدان انتقام دخی تمامیله خصمایه قلمشدر . واقعا ارباب
اشتهارک شان و شرفلری کذران ایدن ایام حیانتلری مثللو دهرک عوارض
کونا کوننه اوغرامق مقرر ایسه ده، هر حالده بر کون اولور که آرزوی
حقیقت شوائب غرضسکاریدن عاری اولان مورخلرک خامه جیتی تحریک

ایله حقابق احوالی میدان و صوحه چیقارر . بنم خدمتاهه پک چوق خطیئات اسنادیچون زباندراز اوله حق نقیصه جولر بولنه جغنده اشتباه بوقدر . لکن ارقول، ریوولی، اهرام، ماره نقو، اوسسترلیج، ایله نا، فریدلند (*) هنوز میدانده در . بونلرک هر بری اول جوهر الماسده بکرر که هیچ بر وقت ذندان حسد تأثیر ایلیه مرز .

ناپولیون بوناپارط

ایمپراطور نیکولای برلطفه سی

روسیه لی مشهور (قره بیچین) نامنده کی آقتورک (تیارو اویو - نجیسی) بوکره طبع ونشر اولنان خاطرلنده شو فقره کورولمشدر :

« ایمپراطور نیکولا بردفعه ایالاتی دوره چیقدیغی صروده بر حبس خنا - نه بی معایته ایدر . محبوسین صفیسته اولدقلری حالدده نیکولا بونلردن بعضلرینک سبب محبوسیتلرینی استفسار ایتمکی تخطر ایلر؛ و بناء علیه محبو - سلردن یرینی بوبابده استجواب ایدر . محبوس دخی « افندمر! بنی بتون بتون بیکنناه حبس ایدیلر . بر شاهد کاذبک افتراسنه قربان اولدم . »

دیر . ایمپراطور بر اینکنجی کیسه یه دخی خطاب ایله « سزنیچون حبس اولندیکن؟ » دیدکده شخص مرقوم دخی « افندم ! قومشومزک خانه - سنده برسرقت اولدی . بنم اصلا صنعم اولمدیغی حالدده فعل سرقتله محکوم علیه اولدم . » جوابنی و برر . اوچنجی برآدمه بنه اوسوالی ایتدکده آندنده « دشمن غرضنه اوغرا دیغی » جوابنی آیلر . ایمپراطور محبوسلارک بو - وجهله تبرئه ذمت ادعا سنده بولندقلرینی کورنجه جله سنی کوزدن کچروب، اوسستی، باننی غایت پزمرده بر بیچاره یه تصادف ایدر؛ و آندن دخی سبب حبسنی استفسار ایلر . مرقوم برطور ندامتکارانه ایله « افندم ! قباحتمی کتم ایده مم؛ خلط ایدوب بر تاجرک حیوانی چالمش ایدم؛ ایشته

(*) بویادی نخل ناپولیونک مشهور معرکه لر نندندر که جمله سنده مظفر بات عظیمیه یه نائل اولمشدر .